

八瓊室金石補正

八瓊室金石補正卷一

男 繼輝校錄

太倉陸增祥撰

吳興劉承幹覆校

東周

羽陽宮瓦當文

羽陽千秋

右瓦圓徑周尺六寸五分，虛僂尺五寸九分。今尺四寸四分，舊藏瞿木夫先生中涓家。今佚郭寬五分木老題刻其上，右曰秦武公宮之瓦，左曰瞿其

生保爲研荄生先生自號也案渑水燕談錄云秦武公作羽陽宮在鳳翔寶雞縣界歲久不可究知其處元祐六年正月直縣門之東百步居民權氏濬池得古瓦五皆破獨一瓦完面徑四寸四分瓦面隱起四字曰羽陽千歲篆字隨勢爲之不取方正始知卽羽陽舊址也武公之初年距今千有七百八十八年矣武功游景叔方總秦鳳刑獄摹刊于石置之岐陽憲臺之瑞豐亭以貽好事者陝西通志云羽陽宮在寶雞縣東陳倉故城內此瓦徑圓正合篆勢亦符惟作千秋爲不同耳仁和趙氏

有重模本孫氏寰宇訪碑錄載之

秦

銅權銘

拓本高周尺二寸八分上廣七寸四分下廣九寸八分十五行行六七字不等又末一行三字字徑三四分篆書藏常熟王氏

廿介季皇帝盡

廿六季皇帝盡

兼天下諸侯

兼天下諸侯

大安立號拜皇帝

大安立號拜皇帝

乃詔丞相狀

乃詔丞相狀

度量則不登

度量則不登

疑者皆明查之

疑者皆明查之

元季制詔丞相斯

元季制詔丞相斯

亦時歸度量事始

去疾法度量盡始

皇帝為之者亦以

皇帝為之者有刻

韓孟公襲號而

韓焉今襲號而

韓孟公襲號而

刻韓不稱始皇帝

其於久遠殿如後

其於久遠殿如後

嗣為之者不稱成

嗣為之者不稱成

功盛德刻此詔

功盛德刻此詔

故刻左母疑

故刻左使母疑

平陽斤

平陽斤

右秦度量銘二按顏氏家訓隋開皇二年之推與李德林見長安官庫中所藏秦鐵稱權旁有鐫銘二其文正與此二銘同之推因言司馬遷秦始皇帝本紀書丞相隗林當依此銘作隗狀遂錄二銘載之家訓余之得此二銘也迺在祕閣校理文同家同蜀人自言嘗游長安買得此二物其上刻二銘出以示余其一乃銅鍔不知爲何器其上有銘循環刻之乃前一銘也其一乃銅方版可三四寸許所刻乃後一銘也考其文與家訓所載正同然之推所見是鐵稱權而

同所得乃二銅器余意秦時茲二銘刻於器物者非
一也及後又於集賢校理陸經家得一銅板所刻與
前一銘亦同益知其然也故并錄之云

集古
錄跋

考古圖云權各高二寸徑寸有九分容合重六兩銘
一百有二字又有三字曰平陽斤王氏同又云秦本
紀始皇廿六年平六國號皇帝一法度衡石丈尺丞
相綰者王綰也二世元年皇帝曰金石刻云云始言
金石刻而卒止言刻石據權之文云故刻左則史記
石字當爲左字丞相去疾姓馮 鵬按二銘皆權文
無所謂秦斤者薛氏不察以一爲權一爲斤遂啓後

人之惑不知斤乃斤兩非斧斤也權形上弁下侈環而刻之故銘字上窄下廣非別有一斤也平陽斤者斤法以平陽爲則耳考古本以平陽斤爲權銘惟銘百字誤以爲百有二字

馮雲鵬雲
鵠金石索

右秦銅權銘閒有剝蝕存全字七十餘據金石索補注其闕案集古錄有度量銘二未載其文此銘當卽所謂銅鍱者也金石索兩載權銘一藏河南李氏一藏河東王氏形製銘詞均與此同而篆體迥異彼用李斯筆法此與鼎彝款識相類尤得古致第三行號字下似是再而彼作爲爲不同耳其

據薛氏載入者則卽歐公所謂銅板也號下一字
與此刻相似而亦釋作爲余蓄此拓本十餘年矣
物爲常熟王蓉洲憲成所藏曩在史館蓉洲時官
比部嘗造訪索觀焉銅質精堅光耀射目愛不忍
釋者久之後蓉洲轉侍御遷給諫簡擢巡道未任
卒於半塗展紙摹錄曷禁愴然

衛屯瓦當文

衛屯



按史本紀秦二世元年復作阿房宮盡徵其材士五

萬人爲屯衛則秦時已有衛屯矣西京賦衛尉八屯
警夜巡晝蓋漢沿秦制也

石索

圓徑七寸五分亦瞿氏故物今佚漢書百官表衛
尉秦官掌宮門衛屯兵程氏以衛字瓦屬諸衛尉
寺觀此益信秦漢皆有衛尉萃編次衛瓦於秦以
類從之訪碑錄分列衛衛屯於秦漢未審其區別
之故

八瓊室金石補正卷一終

八瓊室金石補正卷二

太倉陸增祥撰

男 繼輝校錄

吳興劉承幹覆校

漢一

羣臣上醺刻石

高五尺二寸五分廣六寸一行十五字字徑二寸許篆書在永年

趙廿二季八月丙寅羣臣上醺卬石

右趙刻石在直隸廣平府永年縣西六十里婁山向未箸錄邵武楊兆璜守廣平時訪得之沈西鰲交翠軒筆記以爲石虎時所刻非也石勒以太興二年稱

趙王後廿二年爲石虎之建武六年石虎篡立自稱
建武必不仍冒勒之年數爲紀若當時刻石宜書建
武六年未必概書趙廿二年虎伐燕不克由襄國至
鄴在是年之冬而此題八月丙寅亦與史不合容案
史記趙世家趙自武靈始稱王其廿一年攻中山合
軍曲陽攻取丹邱華陽鴟之塞王軍取鄣石邑封龍
東垣中山獻四邑和王許之罷兵二十三年又攻中
山不書廿二年事者當是兩年中直貫下耳以術法
推之武靈王廿二年當周赧王之十一年赧王元年
丁未爲中元九十八章之首是年正月朔當爲癸未

又推至十一年八月得辛亥則丙寅乃八月十六日也趙都邯鄲去婁山甚近或當時得中山四邑羣臣上壽此山因而刻石亦紀功之意董仲舒春秋繁露故壽之爲言猶醕也此刻作上醕尤足考見古義篆書古勁與秦刻石相埒西雖以爲隸書亦誤

張德容二銘辨

堂金石聚

趙撝叔

之謙

補寰宇訪碑錄以此爲漢石之冠云

大興劉位坦攷爲西漢文帝後元六年左側有口
口判官郁久間明達題名乃北魏人書之謙按此
漢祖刻疑爲石趙者非祥按沈劉二說未見攷趙

幽王友以孝惠元年王趙趙廿二年當文帝七年
通鑑目錄是年七月辛丑朔九月庚子朔則八月
不得有丙寅友在趙十四年呂后召置邸館遂幽
死亦無廿二年孝文卽位立幽王子遂爲趙王其
廿二年爲文帝後元六年是年八月癸卯朔廿四
日直丙寅劉氏所言蓋趙王遂之廿二年也以五
鳳石刻魯世四年例之書法正同又攷趙肅侯語
元年當周顯王之廿年凡廿四年而卒子武靈王
立武靈王雍元年當周顯王之四十四年其廿二
年當赧王之十一年張松坪以此爲武靈王之廿

二年亦無不合惟以筆勢審之似與秦篆差異丙寅二字轉筆方折全是隸意仍從劉氏定爲西漢時物甲戌夏從松坪借錄左側題字未見

元鳳磚文

長八寸四分厚一寸四分
分書反文在陽湖呂氏

元鳳二年七月

鮑宅山鳳皇畫象題字

拓本三紙一高一寸八分廣四寸五分二字字徑一寸六七分一高二尺三寸五分廣二尺畫麟鳳各一行相向左上方題字一行五字字徑一寸餘再左又題一行亦五字字徑四寸許一高二尺六寸廣二尺二寸畫一鳳大倍於前左方題二字一徑四寸一徑二寸均分書在蘭山

元□

二月七日鳳

東安王欽元

鳳皇

右鮑宅山鳳皇畫象題字在蘭山摩厓工人省紙
分拓高廣位置均不得詳姑就所見錄之趙撫叔
補訪碑錄作元康張松坪太守以爲元狩審視拓
本似是鳳字二月七日下午一字不可識疑是成或
卽鳳字案漢書昭帝紀始元三年冬十月鳳皇集
東海遣使者祠其處七年八月改元元鳳應劭曰

三年中鳳皇比下東海海西樂鄉於是以冠元焉
畫像之作其在斯時歟

揚量買山刻石

高一尺九寸三分廣二尺五行行五字六
字字徑三四寸不等分書在平湖吳氏

地節二季□月巴州民揚量買山直錢千
百仟業□子孫永保其家替

右揚量買山刻石在巴縣出土後歸吳辛仲

重光

家業下一字辛仲釋作守審之不似也壬申夏從

松坪借錄

五鳳輓文

高六寸七分下斜斷廣一寸七分強外有直綫
二重左止一綫分書字徑一寸三四分在海鹽

五鳳三年

右甄文載潛研堂金石文字目錄云在海鹽縣此
卽是也案寶慶府志載有吳五鳳甄在新化石屋
曾氏民舍上未載其文殆未之見也吳侯官侯改
元五鳳止有二年此係三年所刻必是漢宣帝之
五鳳西京石刻最罕亟補錄之咸豐丁巳子裴舅
氏以此見詒忽忽一紀舅氏已悲宿草矣錄竟慨
然 補寰宇訪碑錄載有五鳳甄文云篆書五鳳
二年十月廿二日在浙江海甯蓋又一刻也又案

兩浙金石志載有五鳳甄亦在海鹽文曰五鳳五年四字跋云錢宗伯釋爲三年翁學士定爲五年謂上五字中間二畫直交用隸勢下五字中間彎交用篆勢審之果然此本三字中畫並無交形則亦別一刻也

黃龍甄文

長存四寸七分厚一寸
二分字徑七八分分書

黃龍元丰建

硯側有篆書八字云阮伯元校十三經研下端有分書六字曰阮氏八埒之一上方及硯背下方均

有題識拓本晦昧不具錄

永光弩機款

形制尺寸未詳款三
行行七字字徑二分

永光元年七月廿日若尚方造工成忠第
八百十

壬申九月從碑估袁裕文購得金石文字冊爲楊
石卿藏本錐拓精妙錄此及永元鴈足鐘大通開
皇仁壽造象各一種餘無紀號年月石卿名鐸商
城人

建昭鴈足鐙款

高七寸三分槃圍一尺二寸款
四十一二字分書在太倉錢氏

建昭元南芳工輔為內者造銅一足鐙重五尺三兩護建佐博畜夫福

光雲口宮令相口中宮內者第三

建昭元季考工輔為內者造銅一足鐙重五斤三兩護

建佐博畜夫福光主右宮令相省中宮內者第

三故家

右建昭鴈足鐙漢陽葉氏故物也甲戌秋吾甥錢

伊臣得於京邸以拓本遠寄錄之款四十四

字與蘭泉先生藏鐙槃下題款相同唯造於元年

考工下不重工字重五斤三兩次第三及刻於槃

側爲異耳

桂宮鴈足鐙款

高六寸槃圍一尺四寸二分彊款同十四字分書在長安出土

桂宮銅足鐙高六寸重三斤十二兩竟甯元年考工
佐懷肅夫福掾光主右丞宮令相省

桂宮銅足鐙高六寸重三斤十二兩竟甯元年考工

輔爲內造護建佐傳肅夫福掾光主右丞宮令相省

第卅口

右桂宮鴈足鐙以漢尺度之高六寸槃圍徑四寸
七分圍一尺四寸二分彊款識四十四字微有剝

蝕而均尙可識竟下是甯字竟甯元年漢元帝之
十六年也末一字似是五字姑仍闕之案三輔黃
圖云桂宮漢武帝造周回十餘里又云桂宮有走
狗臺又云北宮在長安城中近桂宮俱在未央宮
北又云北宮有前殿廣五十步珠簾玉戶如桂宮
元和志云桂宮在長安故城中西京雜記云武帝
爲七寶牀雜寶案厠寶屏風列寶帳設於桂宮時
人謂爲四寶宮水經注云未央宮北卽桂宮也西
都賦云自未央而連桂宮北彌明光而互長樂西
京賦云屬長樂與明光徑北通乎桂宮關輔記云

桂宮中有明光殿土山複道從宮中西上城西至建章宮神明臺蓬萊山三秦記云未央宮漸臺西有桂宮中有明光殿漢書元后傳注云明光在城內近桂宮成帝本紀云成帝爲太子居桂宮哀帝本紀云建平三年正月帝太后所居桂宮正殿火五行志云桂宮鴻甯殿災雍錄云滄池下流向東而往逕石渠天祿閣桂宮北宮長樂宮是桂宮在未央之北建章之東長樂之西中有明光殿有走狗臺成帝時太子居之哀帝時帝祖母傅太后居之桂宮之可攷者如此云桂宮銅鴈足鐙者鐙

供桂宮所用也云第卅口者卅卽四十識所供鐙之數也餘與萃編所載建昭鐙略同諸家攷證綦詳不煩贅述據諸家跋語邗江馬半槎藏有竟甯元年造者重與此埒翁閣學糾厲樊榭釋三爲三之譌今此鐙亦竟甯元年所造云重三斤十二兩益信翁氏之辨精當不磨矣武授堂釋建爲律亦可以此證其非馮氏金索漏載工字重文此則本無之也此鐙近自長安出土爲人攜至都中不知落誰氏手已巳冬瞿經孳以拓本遠惠西京故物存世無多亟錄之經孳名樹鎬木夫先生之少子

潛研之外孫也於余爲中表舅氏有同嗜焉 又

阮氏積古齋及徐同柏建昭鐙跋萃編所未及採
有足與此相印證者并節錄於後積古齋鐘鼎彝
器款識跋云建昭三年西漢元帝卽位之十三年
漢書百官公卿表少府屬官有考工室武帝太初
元年更名考工室爲考工臣瓚曰冬官爲考工主
作器械也內者內者令也右丞官令守宮令之丞
也皆屬少府護建佐官名漢表無攷輔博福光主
相皆人名徐同柏跋云後漢書百官志考工令一
人左右丞各一人是銘首曰考工下曰主右丞曰

令令卽考工令右丞卽考工之右丞曰主者大官
壺有主太僕監湯官壺有主守右丞同元康鑑斗
有主令長平杜陵東園壺有主守左丞博蓋典令
之謂考工二重文與元康鑑斗同蓋工徒之謂百
官志左校令掌左工徒文帝十六年公主家鬲有
左工二之文鬲銘云十六年標左工賀成五升
公主家鬲重二斤三兩凡廿字篆書
張護木上舍
兆枅藏器左工二卽左工徒可與考工二互證

銘中曰護曰佐曰嗇夫曰掾並考工之屬百官表
嗇夫見縣令長條下掾見將作少府注餘無明文
百官志佐嗇夫散見各條下及注引漢官惟護無

明文今以漢器證之湯官壺有護級杜陵東園壺
有護昌元康鐃斗有護萬年上林鼎有佐李負芻
齊安宮盧有佐□□甘泉上林宮行鐙有嗇夫山
齊安宮盧有曲宮嗇夫忠元康鐃斗有繕作府嗇
夫建陽泉使者舍熏盧有傳舍嗇夫充孝成鼎有
掾譚大官壺有掾倉湯官壺有掾臨承安宮鼎有
掾祿杜陵東園壺有掾通當時作器具載此職故
知爲考工之屬也未省字與孝成鼎大官壺湯官
壺元康鐃斗杜陵東園壺同蓋監工之謂凡曰輔
曰建曰博曰福曰光曰宮曰相並人名器爲輔所

造故特著曰輔省則建以下六人所司序職由賤
及貴比他器更爲謹嚴又百官表少府屬官有內
者百官志內者掌中布張諸衣物是銘內者卽其
職以其職掌中官故又稱中宮內者猶甘泉鐙內
者又稱甘泉內者也宣帝紀內謁者令郭穰師古
曰百官表云內者署屬少府續漢志云掌宮中布
張諸寶物案內謁者當是中宮謁者屬大長秋師
古合爲一恐非

琅邪太守朱博殘碑

殘石不整高六寸至一尺三寸不等廣三尺二寸
十行行三四五字字徑三寸餘分書在諸城尹氏

惟漢河

惟漢河

尉朱博

尉朱博

曹史諸佐

曹史諸佐

布治□史

布治□史

賞過必誅

賞過必誅

姑莫縣捕

姑莫縣捕

卿奉檄□

卿奉檄□

漸除豪強伏

漸除豪強伏

畏周郎邪民

畏周郎邪民

頌萬世

頌萬世

丙子夏潘伯寅以此寄貽拓本右方有尹氏印章
云漢朱博殘碣光緒元年春出自青州之東武故
城今藏尹彭壽家廿五字案朱博前漢書有傳字
子元杜陵人碑出青州非墓碣可知朱博飲鳩事
在建平元年以誣罔故自殺國除歿後未必立碑
此蓋博爲琅邪太守時有惠政吏民感戴因以頌
之按博自王鳳秉政後由櫟陽雲陽平陵長安令
遷冀州刺史徙并州乃遷琅邪太守約計在河平
年間首行河下當是平字第二行朱博上見一尉
字傳云徙爲并州刺史護漕都尉遷琅邪太守是


尉卽護漕都尉之尉也第三行存曹史諸佐四字傳所云召見諸曹史書佐及縣大吏選視其可用者出教置之也弟五行存賞過必誅四字傳所云盡力有效必加厚賞懷詐不稱誅罰輒行也弟六行存姑莫縣捕四字弟七行存卿奉檄三字傳所云姑幕縣羣輩八人報仇廷中皆不得博口占檄文王卿得敕惶怖捕得五人卿卽王卿之卿也莫古通幕漢書李廣傳莫府省文書注云莫府者以軍幕爲義古字通朱博傳除莫府屬亦作莫史記張馮傳上功莫府索隱云莫當爲幕廉藺傳皆輸

入莫府字亦作莫釋名煮繭曰莫莫幕也弟九行
有郎邪字郎古通琅本傳作琅邪左氏昭十八年
傳注今琅邪開陽縣釋文云琅本或作郎西漢琅
邪郡在今諸城縣東境

元延尺文

當今工部尺七寸二分弱廣七分弱篆書十八字如式摹之

長安銅元廿枚第廿元延二季八月十八日造



長安銅尺卅枝第廿元延二季八月十八日造

右元延銅尺道光乙巳得此拓本於都中不知出於何時何地亦不知藏於何人案萃編所載慮僂銅尺在衍聖公府孔東塘民部尙任云建初銅尺與周尺同當古尺一尺三寸六分當漢末尺八寸與唐開元尺同當宋省尺七寸五分當浙尺八寸四分當明部定官尺七寸五分弱當今工匠尺七寸四分當今裁尺六寸七分當今量地官尺六寸六分當今河北大布尺四寸七分今此尺較建初尺短一分較漢錢尺短二分彊較四朝尺之漢尺

短四分卽梁章鉅所仿造比周尺長一寸一分卽
沈彤所用者比晉前尺微弱卽與劉歆尺建武尺
同者比宋三司布帛尺短一寸五分卽所謂宋省
尺者當今工部尺七寸二分弱係乾隆十二年所
校定者摹其五寸倍之可得其度矣

陶陵通款

形製詳跋語器
藏道州何氏

塾屋供

陶陵

通具重

四尺□ 四斤□

兩鑄工 兩鑄工

李常 李常

右器前平後軒背半上削柄末也中空口圍漢尺一尺八分面廣五寸邊右高六分長二寸四分左高七分長二寸三分自邊後角至末斜銳長三寸五分內窅中有脊微偏于右前高一寸二分長四寸亦微窅後高一寸七分彊背廣四寸八分弱前平長一寸六分後斜削至銳末長二寸五分彊款識十六字蝕其一隸法古勁制作精良洵漢器也

漢書禮器秘器無名通者隋書音樂志言梁武帝制定禮樂又立四器名之爲通通受聲廣九寸宣聲長九尺臨岳高一寸二分每通皆施三絃一曰元英通二曰青陽通三曰朱明通四曰白藏通因以通聲轉推月氣悉無差違而還相得中據此知通乃樂器也是器前高一寸二分與志所言脗合又知其名岳矣通之名漢已有之非朐始於梁武長孫氏故云素善鍾律詳悉舊事焉蓋屋漢縣屬右扶風此作塾形似而譌攷正字通云山曲曰塾水曲曰屋因以名縣說文塾引塾也無曲義塾下

也疑縣名大作塾取卑下之意與塾江同屋从至凡从至之字皆有下義縣地隘下故以塾屋名之塾變爲塾今以爲塾字之譌又誤爲塾耳然諸書無作塾

屋者別無佗證未可武斷陶陵定陶共王之陵也與陶陵鼎銘同封定陶共王爲共皇帝改置陵寢事在哀帝二年此器當造於是時具者物全謂之一具也齊安宮熏鑪上林鼎皆以具言與此正同李常名見羊鐙銘宣帝黃龍至哀帝建平初相距四十餘年此鑄工李常或卽其人歟器藏何子貞前輩處云得自長安同治六年假觀三日因審釋

而攷證之

始建國注水匱款

拓本長五寸一分高未詳圓徑三寸五分鑒長一寸
六分款在腹底五行行五字字徑二分篆書左行在
太倉錢氏

清江衡蘭注水匱容一升始建國元年正月癸酉朔日

律斤衡蘭注水匱容一升始建國元年正月癸酉朔日
制

右注水匱款與薛氏款識所載相同阮氏款識新
莽銅權跋云薛氏云漢新室當孺子嬰初始元年
戊辰十二月改爲建國此言元年正月則是明年

已巳歲制此器也考漢書王莽傳云以十二月朔
癸酉爲始建國元年正月之朔莽以十二月爲歲
首則此銘正月朔卽初始元年之十二月朔也律
石衡當是官名蘭當是人名石與斤皆權也匱舊
藏漢陽葉氏今爲吾甥錢伊臣所得

始建國銅器蓋款

縱徑一寸八分橫徑二寸三分弱
款二行字徑二分篆書藏子家

始建國元年正月癸酉朔日制

始建國元年正月癸酉朔日制

右器形橢圓而微扁上大於下約二分許面大於

背亦如之面鐫二龍相對狀陽文凸起此器蓋也
疑亦注水匱之類乙亥夏輝兒自京攜來云購之
秦人者制作古雅篆刻亦極精可愛也

萊子侯瞻族戒石

去邊紋高漢尺一尺五寸三分廣二尺二寸七分七
行行五字字徑二寸五分界以直格分書在鄒縣孟
廟

始建國天爲三丰二月十三日萊子侯爲
支人爲封使脩子良等用百余人後子孫
毋壞貳

嘉慶丁丑秋滕七四老人顏逢甲同鄒孫生容王輔

仲諸山得此於卧虎山前蓋封田贍族勒石戒子孫
者近二千年未泐亦無知者可異也逢甲記生容書
此刻在碑右
邊紋之外

嶧山西南廿餘里曰卧虎山山陽皆土一石直南北
卧山足地勢高平儼然堂基此其西南隅附土者也
形方長上微弓中斷爲二色純青而堅西側近南處
瑩如碧玉之璞面正平不加追琢刻字其上以周尺
度之斷以南餘三寸許方二尺八寸隸七行行五字
字徑二寸五分界以豎格四線圍之外刻粗斜文二
寸作邊則石盡矣其辭曰始建國天鳳三年二月十

三日美

疑萊子國在今萊州府去此太遠檢漢書亦不得蓋葬之世官封地名更易紛然當時或

不盡知史不因事不盡見也抑或是他字

子侯爲支人爲封使脩

李岫仙云其字

作脩釋

子食等用百宗

二字疑岫仙云碑作余非宗字古字用半旁故餘省作余

人後子孫毋壞敗計三十五字疑者四與曲阜五鳳

二年刻永平鄯君磨厓是一家眷屬蓋八字未分隸

初體也獨念地非幽僻從古地志金石諸家均未箸

錄且久歷雨淋日炙敲火礪角之劫而巋然煥然待

時而顯何與殆天以人理滅絕至葬已極尙有此好

義敢睦之士足以扶道教而立人紀故愛護闕惜不

使埋沒歟余旣刻誌歲月緣起於石側復詳爲之跋

得石後三月顏逢甲書

漢天鳳石刻始建國天鳳三年二月十三日某子侯
爲支人爲封使偕子良等用百余人後子孫毋壞敗
偕疑儲子之省余卽餘字 此石在郢縣南卧虎山
下幾二千季無人知者嘉慶廿二年龔日士人孫生
容王輔仲見之與滕縣孝廉顏君逢甲送入孟廟考
始建國天鳳三年係新王莽僭位之八年其稱天鳳
而冠吕始建國猶繇續載王莽候鉦云始建國地皇
上戊也其稱爲封者蓋封樹之封猶禮稱三斬板而
已封及史載建武祀泰山使奉車子侯爲封封高一

丈二尺之類顏君以爲封田贍族者非也百余人者
用百餘人工築此封顏君釋爲宗人亦非惟葉子侯
不可考或以萊州爲古萊子國或以爲葉子侯葉字
之泐俱無所據王莽時封侯甚濫有貧而爲傭者史
固不勝載而碑字又恍惚難憑闕之可耳其偕字亦
不甚了了總之此石雖非後人僞刻亦係當時野制
無深長意趣因近時新出故縮刻於西漢之末

馬雲鵬雲

鶴金
石索

右石刻以建初尺度之高尺許廣二尺一寸八分書
七行行五字行閒有粗豎文作界字徑二寸許嘉慶

庚辰秋四明沈栗仲明府

道寬

來官湘南以搨本贈

予云近出濟甯州土中栗仲時館州城因得椎搨數
本攷周禮冢人以爵等爲邱封之度鄭注別尊卑也
王公曰邱諸臣曰封禮記檀弓於是封之崇四尺鄭
注聚土曰封又我見封之若堂者矣鄭注封築土爲
壘形四方而高又樂記封比干之墓鄭注積土爲封
又案儀禮旣夕禮乃窆鄭注云窆下棺也今文窆爲
封禮記檀弓縣棺而封鄭康成注封當爲窆窆下棺
也說文塋下云禮記謂之封周官謂之窆易繫詞葬
之中野不封不樹虞翻注穿土稱封封古窆字也廣

雅封豕也又案萊乃萊之隸變禹貢萊夷作牧孔傳
萊夷地名春秋襄公二年左氏傳齊侯使諸姜宗婦
來送葬召萊子不會故晏弱城東陽以偪之杜氏注
東陽齊竟上邑正義云世族譜不知萊國之姓齊侯
召萊子者不爲其姓姜也以其比鄰蔑之故召又宣
公七年穀梁傳公會齊侯伐萊范甯注萊國名國語
齊語萊莒韋昭注萊今東萊又案孟子若伊尹萊朱
趙岐章句萊朱湯賢臣卽仲虺也春秋文公二年左
氏傳晉與秦戰於穀萊駒爲右又哀公廿四年傳有
萊章杜注萊章齊大夫是萊爲古姓本國名而正在

齊地乃以國爲氏也此刻所云萊子侯當是萊姓名
子侯其下一字當是爲支人之支據許氏說文文字
當从十从又作支支字當从巾从又作𠂔然隸書變
支爲丈變𠂔爲支此刻支字不當讀爲丈人下一字
乃象之變體漢郭公碑豫字作𠂔其右旁正與此刻
形相似玉篇作爲以爲古文象字蓋支乃其人之姓
人象則其名也莊子有支離益廣韻支下云漢複姓
又晉時有高僧支遁後趙錄有司空支雄何氏姓苑
云支氏琅邪人偕子食當亦是人姓名偕疑儲之省
文廣韻云儲姓後漢有儲太伯子攷後漢書鮑永傳

光武卽位遣諫議大夫儲太伯持節徵永章懷注引
風俗通曰儲姓齊大夫儲子之後也而漢書王莽傳
有上谷儲夏正在其時然則此記蓋萊子侯使偕子
食等用百余人爲支人象封其冢而刻石以戒其子
孫者也餘古省作余周禮地官委人凡其余聚以待
頒賜漢吳仲山碑父有余財皆以余爲餘攷漢書王
莽傳莽於居攝三年十一月改初始元年篡位改定
有天下號曰新以十二月朔癸酉爲建國元年正月
之朔至五年又改明年爲天鳳元年以改元更號而
論旣稱天鳳不當復稱始建國然莽傳前言莽先建

元初始後改元建國不云始建國而於後言建國元年正月上仍係以始字則於始建國六年所謂改元天鳳者當是增天鳳二字於始建國之下故此刻稱始建國天鳳三年耳據此可以證史家紀載之失實葉石林避暑錄話云韓丞相王汝家藏銅科銘稱始建國天鳳上戊六年據漢書莽改始建國六年爲天鳳元年而不言其因今天鳳上猶冒始建國蓋通爲一稱未嘗去舊號上戊莽所作麻名也又洪氏隸釋跋蜀郡太守何君閣道碑有建武中元二年之文云紹興中郭浩知金州田夫耕得一鉦其銘云新始建

國地皇上戊二年今此刻但無上戊二字正可與葉
洪二君所言互相證明此刻結體秀勁古茂在上谷
府卿祝其卿二墳壇石刻之上尙是西漢文字可寶
也

瞿中溶古泉山
節金石文編

案萊子侯刻石文云始建國天鳳三年二月十三日
萊子侯爲支人爲封使偕子食等用百余人後子孫
毋壞敗凡三十五字漢書王子侯末孝武曰諸侯王
疆土過制或替差失軌而子弟爲匹夫輕重不相準
詔諸侯王欲推私恩分子弟邑者令各條上定其號
名自是支庶畢侯師古曰侯所食邑皆書其郡縣于

下其有不書者史失之此萊子侯乃王子侯之食邑
於萊者足補班史所闕但未審其次繫爲何王之後
耳又後漢陽城恭王傳莽篡立劉氏爲侯者皆降稱
子子侯之稱或卽莽制歟莽以初始元年十二月爲
始建國元年五年改元天鳳天鳳六年改元地皇此
稱始建國天鳳三年者洪氏隸釋云莽漢之際習俗
相尙以卽位初元冠于新厯之上所載銅料銘云新
始建國天鳳上戊六年侯鉦銘云新始建國地皇上
戊二年與此相類如光武建元建武改元中元而蜀
郡太守何君閣道碑及范書祭祀志東夷傳皆有建

武中元之文亦此例也支人言族人也聚土曰封周
禮大司徒制其地域而溝封之註封起土界也土在
溝上謂之封儲子疑卽諸子食其名余與餘同吳仲
山碑父有余財亦作余江藩釋美作美儲作者後作
役洪頤煊釋儲作儲皆未審陸耀遠金
石續編

顏東田孝廉逢甲滕人篤誨好古丁丑秋攜友道卧
虎山下踞石小憩石端整似經匠手苔蘚縱橫仿佛
文字遂汲泉洗濯搨以故紙點畫畢見時先君子司
鐸其縣顏以初搨本見貽且手跋其尾辨論甚精余
見近人金石索一書縮刻西漢之末本來面目十無

一二矣而其跋識鄙爲野制無深長意趣不知原刻正以朴拙倍見古情今人無事不勝古人惟朴拙萬不可及而以爲譏何歟又案所云爲封與史載建武祀泰山使奉車子侯同義未審何由目爲野制循環首尾玩其文義封田贍族說無可疑石索以封爲封禪之封季氏旅泰山孔子歎之子侯人臣何敢妄議封禪且章章勒石邪封土樹石非大工動衆不用百餘人百餘人連下成文卽上所云支人也言凡我本支百餘人其後嗣子孫庶幾永保此所封之田毋壞敗也卽古鍾鼎彝器子孫永寶用之類也文義明白

若此猶復疑百出異哉道光丙戌初秋題

王金策跋

兩漢隸法傳於世者以五鳳甄刻爲最古五鳳甄在
曲阜孔林此刻今已移置鄒縣孟子廟斷圭零璧數
百千年後得託聖賢林廟以永其傳亦盛事也薛尙
功鍾鼎款識載有漢注水匱阮芸臺尙書積古齋鍾
鼎彝器款識載有新莽銅權二皆作於始建國元年
薛以始建國爲初始改元之明年阮謂卽初始元年
之十二月此刻稱天鳳三年則在莽卽位之八年矣
不應復以舊號冠首竊疑莽自立時尙未建年號姑
以始建國紀年故改元後時人猶以此加於年號之

上非重紀也顏跋所釋萊字攷漢書各表雖無萊子
侯之封而其文則爲萊字無疑也惟封使下一字顏
釋脩字岫仙疑之其字當是貸之省文漢至北朝人
書貳作戠亦省貝爲日漢吳仲山碑書貸作儼亦增
代爲伐可證其云貸子食等用者謂以所得封田貸
於族衆也百余人之余岫仙以爲餘字省文其說是
矣

黃本
驥跋

隸法古勁嗜古者各自爲說瞿氏攷證封字最爲
典贍而於下支人云云求之不得其說乃以支人
象偕子食爲人姓名苦無根據顏氏以封爲封田

則爲封二字語尙未了然於支人偕子後子孫等語均協其說較長惟以使下一字爲脩不若陸氏釋偕爲諸之異文也陸氏以食爲名亦屬臆斷竊意偕子食等用百余入者謂足供諸子之食平等用之可及百餘人也史記屈原賈生傳餘何畏懼索隱曰楚辭餘並作余亦餘省爲余之一證等說文齊簡也从竹从寺寺官曹之等平也是其義諸家皆連上讀之耳至以葉爲美以偕爲者爲貸以食爲良以後爲役審之不的自卽以下矣又石刻敕字右旁作𠂔又似作尺他碑未見諸家亦

未舉及漢碑从欠从艮之字往往混用靈臺碑从
之延壽史晨奏銘款稱爲效白石神君碑或祈或
款皆變艮爲欠唐扶頌張君之美黔首歡康又變
欠爲艮

八瓊室金石補正卷三

太倉陸增祥撰

男 繼輝校錄

吳興劉承幹覆校

漢二

五銖泉範

斷折存長八寸二分強廣四寸四分范背題字
一行計十四字字徑三分分書在太倉錢氏

讀造十叩南孝工食史憲工周勛□

右五銖泉範葉氏平安館故物也范分兩格格列
泉三行斷折存五銖泉十四枚又半泉四枚漢制
有考工令考工丞又有令史令史最卑慮卽令史

之名以建武紀元者凡六惟東漢光武有十六年

光武中興復鑄五銖泉正合

三老諱字忌日記

高三尺七寸廣一尺七寸五分右方四截行字不一左方三行行三十字字徑寸許分書在餘姚

三老諱通字爪父庚午忌日

祖母失諱字宗君癸未忌日以上第一截四行行七字字徑八分

採諱忽字予儀建武十七年歲在辛丑四

月五日辛卯忌日母諱指字口君建武廿

八年歲在壬子五月十日甲戌忌日以上第二截六

行行字不一
字徑九分

伯子玄曰大孫次子但曰仲城次子紆曰

子淵次子提餘曰伯老次子持侯曰仲廕

次子盈曰少汙以上第三截六行行六字七字字徑寸餘

次子邕曰子甫次子士曰无土次子圖曰

少元次子女曰无名次子反曰君明以上第四截五行行

五字六字字徑寸餘

三者德業赫烈克命先己計稽履仁難名

乎而右九孫日月虧伐猶元風力射邕及

所識祖諱欽顯後嗣蓋春秋義言不及尊

翼上也念高祖至九子朱遠所諱不列言

事觸忌貴所出歎及馬敬曉末孫昂尉一祖

德焉

右三老諱字忌日記在餘姚客星山三老有諱無
姓不可攷矣補訪碑錄以記中忌日皆在建武年
附建武末今從之南當卽南字文云汁稻履仁以
汁爲叶卽協字與史晨奏銘樊敏碑同說見樊敏
碑跋以稻爲蹈蹈與道可通荀子禮論道及士大
夫注道行神也史記道作蹈列子黃帝向吾見子
道之注道當作蹈釋名道蹈也蹈道也二字互訓
此道蹈相通之證也左氏襄五年經會吳于善道

公羊穀梁皆作善稻此以稻爲蹈并借爲道之證也又春秋說題辭稻太陰精稻亦蹈之通借原注訓爲包裹恐非古微書引春秋說題辭曰稻之爲言藉也史記武安侯傳人皆藉吾弟注云藉蹈也漢書灌夫傳集注後漢明帝紀注並同匈奴傳集注云藉猶蹈也廉范傳注云藉猶蹈藉文紀帝集注云藉謂蹈藉左氏昭十八年傳注藉蹈蓋履行之疏云藉猶蹈又云藉踐履行之義以稻爲蹈故可以藉釋之仁作仁與戚伯著碑同副祖德上當是冀字

永平甄文

長存四寸五分厚一寸六分字徑七分分書反文

文原本
失錄

永字半蝕漢明帝晉惠帝北魏宣武帝南安王余
隋李密前蜀王建皆有永平之號惟明帝有六年

大吉買山地記

拓本高四尺五分廣五尺五寸五行行四字
額二字字徑七寸至尺餘不等分書在會稽

昆弟六人

共買山地

大告
建初元年

造也豕地

直三萬錢

阮元兩浙金石志云右刻近爲山陰杜氏所獲蓋當時買地券文也造是造字省口豕是豕字 春生案是刻在會稽跳山郡城東南五十里萬厓紹興府志云土人傳爲錢武肅王微時販鹽遇官兵跳避此山壁上書大吉字攷山名不見於嘉泰會稽志明人輒采委巷之談據以人志至大吉下尙有題字則不知也其書傳爲武肅者豈當時亦嘗有見錢字者而傳會歟矣未仲夏余偕兄尺莊覓先世葬地偶憩茲山

其石高不及二尋迤邐圍十餘丈色黝然而黑土人

云有字在石趾剔除苔蘚諦視乃東漢人題記

成李特後

秦姚萇西涼李嵩皆以爲自來金石家箸錄所未及建初紀年與越中無涉

者喜踰望外詢知其地屬村氓以萬錢購得之時南

海吳荷屋夫子廉訪浙江莅政餘閒按羅古刻方以

兩浙無漢碑爲歎及見拓本歎未曾有遂手書題名

屬勒其旁夫茲刻埋沒荒山已逾千載無過而問焉

者今且爭先快覩求取幾無虛日物之顯晦固自有

時哉記文五句凡三用韻古人先韻諸字多讀入真

故年錢與人爲韻也石右五尺許又有退思二字正

書徑七八寸不詳何代所刻當亦非唐以後者

杜春生越

中金
石記

按石刻凡廿二字文曰昆弟六人共買山地建初元年
遷此冢地直三萬錢又于上方題大吉二字建初
元年後漢章帝嗣位之始年也迄今道光三年凡千
七百四十八年縣人杜孝廉煦偕弟春生訪得之子
與南海吳布政榮光仁和趙明經魏題名山下其地
土名跳山卽烏石山也遷此之遷趙杜釋作住錢唐
何元錫釋作作臨海洪州判顧煊釋作遷云遷卽造
字省口予合數搨本辨之遷字甚顯洪釋無疑冢地

之冢趙釋作眾亦誤冢作冢與隸續所載延熹五年
真道冢地碑正同杜春生字禾子集會稽山陰金石
作越中金石記云是刻土人傳爲錢武肅王微時販
鹽官軍捕之逃避此山而免因於石壁書大吉字明
人據入邑志不知大吉下尙有二十字也予親剔苔
蘇寸許其文始見金石家從未箸錄卽嘉泰以來纂
郡邑志者亦所未覩乃知大吉二字爲冢地言後人
偶有見錢字者因誤爲武肅矣洪頤煊平津讀碑記
云漢人造作必記其所直之數如武氏石闕銘造此
石闕直錢十五萬作師子直四萬蓋其風俗然也金

續編

建初殘刻

拓本兩紙各高三尺五寸廣九寸各一行一十二字一約十字字徑四寸餘分書在文登

歲建初六年五月十二日成

□□□通司□□□將□

右旁從門似是潤字

庚辰四月輝兒自都郵寄云在文登海島繆小山編修荃孫謂是翻本夫云翻本必先有原本不見於前人記載何所據也審其筆勢亦非憑空臆造者存以備考

南武陽關畫象題字

拓本三紙高廣行字詳
各段後分書在蘭山

南遼陽平邑皇聖鄉冢之大門卿以元和

元丰十二月廿日己卯 殤

元和三幸八月後不可辨

右西關拓本高一尺二分廣七寸存字四行行字不一字徑寸有直界格

故南武陽功曹卿嗇夫府文學掾平邑君

二缺字約
郎之闕
郎
何苦天下相

賊口
二缺
字約
口
口
仟
觀
朝
廷


明君直任人二來德道以

為國三老
輦和元車二月十六

日 子 文 計 石 五 鄉

畫 伯 廷 直 四 萬

五 千 此下空

此 上  以下無字

右 南 闕 拓本高一尺三寸廣一尺四分九行行字不一字徑九分

鴛 子

信 夫

門 士

右 東 闕 拓本高一尺六分廣一尺六寸三分畫三人各題一榜字徑五分弱前一孺子肩荷

一物似畢中一人作持弓張滿之狀前有一短柱柱頂加亭然

右漢南武陽功曹墓闕銘云南武陽功曹鄉嗇夫又云以爲國三老又云章和元年其它族系名字皆摩滅不可考究墓在今沂州有兩闕其一元和中立文字尤殘闕難讀

金石錄

右南武陽闕畫象題字南闕四面畫象各四層南面第四層左方有題字九行西面第一層有一榜題孺子二字未見西闕南面畫象五層題字亦在第四層左方可辨者四行餘俱磨泐東闕畫象四面各四層西面第一層有題字三榜壬申五月從張松坪借得拓本就所見錄之嗣得南闕曼患已

極矣

永元鴈足鐙款

高廣寸尺未詳款一行
廿字字徑三分分書

永元二年中尚方造銅鴈足鐙重九斤工

宋次等作

王氏藏建昭鐙及近出桂宮鐙皆重三斤餘葉氏
藏建昭鐙重五斤餘兩余嘗疑之此鐙重至九斤
相懸尤甚然非衡以今權合諸漢權不可妄疑其
僞鐙爲楊石卿所收石卿當有鑒別也

永元甄文

元反文興元季二字反文五月丙午日天反文大赦廣漢造作尙

方明反文竟幽凍三商周傳無疆反文世傳光明二字反文長樂

未英即央字富且昌宜侯王師命長生如石二字反文位至三

公壽如二字反文東王父西王母仙人二字反文壘立至公侯

吾作明竟幽凍三商兮

漢元興鏡銘六十七字內輪九字生平所見漢鏡銘

文無如此之多者丙申九月見此鏡於吳趨市適有

有新安劉子矜兆椿袖詩稿來質余嘉其好學待以

弟子禮遂購此鏡奉余為摯云瞿中溶識

本老定為漢和帝時物蓋與正史合考晉安帝亦號

元興可決其非

錢繹議

攷通鑑目錄漢和帝元興元年五月癸丑朔晉安
帝元興元年五月戊辰朔均不得有丙午日又孫
吳歸命侯亦號元興其年四月庚寅朔則丙午是
四月十七日亦非五月然則五月丙午者特取重
火離明之意不必果值是日未可執此以疑其僞
也阮氏丙午鉤跋云造銅器必於丙午日取幹支
皆屬火據此鏡則并未必果值是日造鉤當亦同
之耳錢十蘭浣花拜石軒鏡名集錄亦載此鏡圖
徑同文字同三神三獸同惟外邊有花紋爲小異

內層銘云吾作明竟幽凍三商兮字均明顯此近
平漫僅辨一三字是又一鏡也錢云三商者三時
也今謂之刻古謂之商其義同耳道光壬寅以此
與袁氏鏡君宜高官鏡合表成幀越三十年同治
壬申重付裝池光緒乙亥始錄而箸之

延平甄文

方三寸四分厚一
寸字徑七分分書

延平元丰

甄出四明山中吳江劉氏得之延字半缺硯端有
書農銘云祖遺我研我不及守友贈我研我若固

有我不能書愧非真手我以作田藉資餬口小子
育湖能如邁否學蘇東坡銘礪我後甄紋與赤烏
甄相似題字在右偏花紋之中

元初甄文

廣五寸五分厚二寸七分
分書在陽湖呂氏

文原本
失錄

題字兩行左作圓燈形與泰山石闕相似右方缺

泐

祀三公山碑

元初四年
編載卷第六
萃

拿并

并誤
作我

敬貢

敬
字

吉士

土誤
作与

國界

界作
微

誤

顏字不可識也浮誤作喚故

右碑宋以來金石家皆未之見至乾隆甲午元氏縣令關西王君搜得此石於縣城外野坡於是海內金石家爭爲攷釋此碑遂傳於世三公山在今元氏縣西七十里漢白石神君碑所云縣界有六名山此其一也後漢書郡國志常山郡元氏劉昭注引晉地道記云有三公塞元納新河朔訪古記云三公神廟在元氏縣西北三十里封龍山下榜曰天台三公之廟廟有漢三公山碑一通此卽是也碑立於口初四年初上字殘泐翁覃溪閣部兩漢金石記定爲元初今

據搨本辨之初上一字其下半從几當是元字知翁氏之言爲不謬蝗旱鬲并諸家皆釋鬲我惟黃小松司馬釋鬲并案碑并字甚明不知諸家何以誤作我字後漢書陳忠傳隔并屢臻章懷太子注云隔并謂水旱不節也并音必姓反又郎顗傳則歲無隔并太平可待乃來道曼曼字或釋作叟以黃氏釋要爲確攷隸續斥彰長田君斷碑有屨道曼漢書司馬相如傳予虛賦竊曼襄又地理志北地郡有大曼縣師古注曰曼卽古要字本下一字是祖字兩漢金石記釋作視吉下一字是土字金石記釋作与皆誤東下一

字是就字金石記脫常山相隴西馮君其名無攷長
文顏浮五官掾閭祐戶曹史紀受將作掾王簡元氏
令茅匡丞吳音廷掾郭洪戶曹史翟福工宋高等九
人皆無攷案續漢書郡國志常山國有元氏縣劉昭
注常山國高帝置建武十三年省真定國以其縣來
屬又百官志云皇子封王其郡爲國每置傅一人相
一人皆二千石相如太守有長史如郡丞又郡國皆
置諸曹掾史略如公府曹有五官掾署功曹及諸曹
事又凡縣萬戶以上爲令丞各一人匡卽匡字諸家

釋作用

說文常山
貞石志

隸釋有光和四年三公山碑常山相東陽馮巡字季祖所立此碑元初中立馮君則隴西人也顧亭林所見字最少翁覃谿黃小松所見闕六字王蘭泉所見缺四字此帙僅缺碑首一元字耳元明間所搨也乃來道要要字金石萃編作道史案漢書要作𠄎此搨尙分明或云如不詞何余謂道叟亦不詞也卜擇吉下一字萃編作与今觀泐勢似是土字碑言遭離羌寇事在永初五年此改元初後追述之耳諸城有延光殘石篆與此類意風氣如是乎

郭尙先跋

三公碑敬惟字黃秋龠作衆惟高我字黃作高并自

是字黃作由是此由字甚明顯作自殊不可解道要
字吉土字黃同閻祐黃作閻格翁蘇齋作閻裕今以
兩藏本同此本審視確是示旁道要金石萃編作道
叟殊謬萃編成於述菴司寇幕客之手謬誤甚多不
僅此碑也

祁彥聞跋

萃編載卷第六據白氏本補正如右此精搨本舊
爲姚伯昂所藏今歸蘭岳前輩

恩佑

後有郭蘭石

尚先

金書跋語並釋碑文於每葉之前又有壽陽

祁彥聞一跋郭釋由是爲自是祁氏已言其誤焉
并仍作焉我亦非惟敬奠不行之敬確然無疑王

沈諸家皆闕如焉翁作上半林字殊誤其敬惟之
敬頗不相類黃氏以爲衆亦似是而實非道曼之
曼王氏模寫不誤誤在釋文吉土之土與衡方碑
白石神君碑同王氏於碑文則闕之於釋文則旁
注与字蓋沿翁氏之誤而刊刻者又改爲與夫人
而知其非矣東下就字趙釋作龍非是特不知所
謂衡山者何指疑是以衡爲橫而苦無確證國界
之界王作界沈作界顏浮之浮王作峻翁作吧皆
搨本模餽所致閻祐之祐黃作格翁作格均誤茅
厓之厓翁作佳誤沈釋作厓以厓爲誤審視之王

字中直連貫上下不知何由決爲非厓也曩見常
山貞石志攷證鬲并極爲精當吉土閭浮亦與王
氏有異而檢視所蓄之本不甚明顯未遽勘萃編
之譌今見是冊確有足據不特王氏之書於以校
正卽翁沈諸家亦可相爲印證矣碑以鬲爲隔攷
漢書五行志鬲閉門戶師古注曰鬲與隔同又溝
洫志鬲津楊王孫傳厚葬以鬲真曹參傳收著潔
陰平原鬲盧戾太子傳鬲塞而不通薛宣傳則陰
陽否鬲西川鬲絕欲以鬲塞聰明郭解傳軹人楊
季主子爲縣掾鬲之南粵王傳鬲絕器物王莽傳

其以平原潔陰鬲重邱凡戶萬所注皆然地理志
平原郡鬲云敞傳非莽鬲絕衛氏注亦並云讀與
隔同又爾雅釋水鬲津李注孫注均云可隔以爲
津荀子大略鬲如也注云鬲謂隔絕於上又楊君
石門頌垓鬲尤艱隸釋云鬲卽隔字翁氏云以領
爲嶺案古只作領說文無嶺字大徐新附始有之
漢書嚴助傳輿轎而踰領注引項昭曰領山嶺也
又云以禮爲醴案儀禮士昏禮賓人受如初禮注
云古文禮爲醴聘禮明日賓拜禮於朝禮玉聘禮
記禮不拜至士冠禮禮於阼注並云今文禮作醴

詩采蘋傳必先禮之於宗室疏云定本禮作醴又
儀禮士冠禮請醴賓若不醴則醺用酒士昏禮贊
醴婦出請醴賓注並云醴當爲禮禮記內則宰醴
負之昏義贊醴婦注亦並云當作禮是禮醴二字
互相通借之證也又云以熹爲喜案說文喜樂也
熹說也熹灸也熹喜通用春秋元命苞云心喜者
爲熹漢書郊祀志而天子心獨熹賈誼傳羣臣自
熹注並云熹讀曰喜史記周本紀無不欣喜亦卽
喜字爾雅釋蟲注釋文熹本作喜急就章勉力務
之必有喜皇象碑本作熹漢書地理志後漢書郡

國志聞喜劉寬碑陰韓仁銘並作聞熹而喜之作
熹他處未見惟穀阮碑田禳卽禳字可爲喜作熹
之證熹可借爲嬉熙喜亦可借爲熙膠東令王君
斷碑庶績咸喜喜與嬉亦可通借易家人釋文嘻
嘻陸本作喜喜張本作嬉嬉因遂借熹爲喜耳

嵩嶽太室石闕銘

元初五年四月
萃編載卷第六

垂顯

□異

缺異

掾陽

缺陽

臨之

少之誤

幽州刺史馮煥闕

搨本高漢尺九尺六寸寬九寸一行廿
字字長徑三四寸不等分書在渠縣

故尚書侍郎河南京令豫州幽州刺史馮

使君神道

右漢馮使君墓闕銘云故尚書侍郎河南京令豫州
幽州刺史馮使君神道案後漢書馮緄傳緄父煥安
帝時爲幽州刺史而緄碑亦云幽州君之元子此字
在宕渠緄墓前雙石闕上知其爲煥也

金石錄

右幽州刺史馮煥神道今在渠州馮緄傳云父煥安
帝時爲幽州刺史建光元年卒隸釋有元初六年賜
豫州刺史馮煥詔煥之殘碑有郎中尚書侍五字惟
京令無所見也

隸釋

右馮煥闕在渠縣案隸釋馮煥殘碑末有永甯二

年四字永甯二年卽建光元年安帝卽位之十五年也此闕當在同時隸釋云建光之元卽永甯二年是歲七月改元煥以四月終故碑尙用舊年也安帝紀建光元年正月幽州刺史馮煥率十二郡太守討高句驪穢貊不克馮緄傳父煥安帝時爲幽州刺史疾忌姦惡建光元年怨者迺作璽書譴責賜以歐刀煥欲自殺疑詔文有異上書自訟會病死獄中帝愍之賜錢十萬是煥之卒實永甯二年四月也京屬河南尹卽鄭共叔所居之京城碑刻廿字字原隸釋云十九字者脫使字也

延光弩機款

郭高一寸五分廣二寸六分四
行行四字字徑二分弱篆書

延光元年四月中承太僕監掾

市

右延光弩機文曰延光元年四月中承太僕監掾
訓至凡十四字在郭左戊字在郭底其郭端及耳
左右皆有題字剝蝕不能摹錄惟內工二字較清
搨本有煦堂鑑藏印章

開母廟石闕銘

延光二年 萃
編載卷第六

小口陽

下層首行存行末三
字全闕陽上似高字

鞞防

闕郭

誤作

依翁氏所釋下層十一行前尙有一行有字隱隱可辨祀聖母庠山隅後上下層脫一行所未釋字尙多蓋所得搨本有優劣也太守朱寵以下題名共十一人與少室闕同者八人佐卽廟佐隘作隣胥作胥伯鯨作栢鯨逍遙作消搭九山刊旅作九山甄旅皆異

文

平津讀碑記

芬茲楸于圃疇舊釋本作楸萃編獨以爲淋細審之左旁實从木中間矛字上半亦尙清晰決非淋字茲楸卽滋茂之異文洪氏所謂上下層俱脫一行者僅有一二處筆蹤可辨非舊搨精本不能定

其字矣

延光甄文

長存五寸三分厚二寸
字徑寸許分書反文

𠄎式三丰

呂尚之大令得自汴中琢爲研

太宰潁川太守銘

高一尺五寸五分廣五尺三寸七分四十三行行寬
小二行約十字九字字長徑一吋四五分不等

篆書帶
單在登局

此行
全泐



□ 存下半十字洪
以為十非是

□ □

下一字似交
洪以為三
似是支字洪
以為三非

□ 存半
王字

至 □ 上一字似到下
一字洪以為孝延

先 四季三 月

孔子大 聖

首一字洪
以為公

類 小太字楊

□

陽 □

□ □ 海相
以上洪
以為北

□

□ □ 廟 第一字似室
翁氏以為宮

□ □ 厲 左旁似从目
洪以為厲非

□ 縣

□ □ □

申 懷 □ □

□ □ 上一字似
津又似筆

辭 白

二 中 歲 □ 似雙

□ □ □ 恩

□ □ □ □

衣被

□ □

□

□ 李顏乎 □

□

然 □ 庭京雒 □

翁氏以為淵
索字似非

□ □ □

□

□ 洪以
為是

王命

□ □ 上一字洪
以為親

此行
全泐

□見下半

□似

□

此行全

置□

甬

子

子

所子可不

子

字

右約四 餘行有直界紋其行視太室闕前銘稍狹而字長篆中帶隸剝泐已甚不能多辨矣其文亦前敘後頌太室闕額正當此文中閒之上方其額後空處畫數點 此文從來不見於箸錄牛氏圖亦無之先是黃小松札來云見此搨本略摹數字見寄未之詳也逾月畢秋帆中丞於中州搨寄此本連上方之額乃知是太室闕之後銘而小松處搨本適亦寄來二本互對纔辨四十七字耳 此段與前銘同勒於太室闕閒卽以歲月亦居前銘之後則題曰太室闕

後銘亦自可通抑或目曰延光四年潁川太守銘亦

可通也

翁方綱兩漢金石記

依翁閣學所釋其未舉者後銘首脫四行二行有地

字四行有三字五行有十字三字七行有孝字九行

孔子上是公字十一行有陽字十二行有北海相字

十四行有屬字十七行有縣字

祥案翁有之

廿二行有雙

字廿六行潁上是存字三十行有是字三十二行有

親字四十行有置字

平津讀碑記

右太室潁川太守銘潛研堂目作潁州字雖半蝕

其爲川字無疑時未有潁州之稱也光被翁閣學

作衣被審之實非衣字廿二行恩字廿五行字字
廿七行置字可補兩漢金石記之闕剝泐殆甚凡
有筆畫可見者以□識之字涉疑似或僅成半旁
悉行記注於下

少室東闕題名

高一尺四寸五分廣九寸四行行六字字
徑一寸七分許分書二字界格在登封

江孟李陽桓仲

潘除鄭孟桓盛

潘陽□文令常

紆□□重令容

高女谷 □□□□

右隸書四行行六字每二字爲一界格在少室神道
闕之東畫象之下牛氏金石圖謂之少室東闕題名
云高一尺闊六寸刻文寢下前人皆未及見見而表
之者惟陽董金甌相函也東闕刻文皆北向牛氏
凡闕五字予以搨本諦審其首行第一字尙露其半
當是汧字第四行首一字全具是紆字其不可辨者
三字尔然以漢人題名之例必先書郡縣而後及其
姓名字此刻則似每二字爲一姓名不得以地名泥
之矣其隸法則是東漢人筆無疑也粗或是查紆字

當闕以俟攷

兩漢金石記

右少室東闕題名十二人令常令容史記孝文本紀

中大夫令勉顏游秦以令是姓風俗通令姓令尹子

文之後祖卽查字

平津讀碑記

四行分格十二格中列十二名蓋亦漢時人所題記

其祖字之姓未見覃谿先生疑是查字愚疑倡祖字

之剝蝕者其紆字係孫字反書漢竟每有之

金石索

細審經字似是木旁馮氏疑爲祖字恐或不誤細

審紆字右半似从子一鈎適在直界格也末一行

諸家皆未及見僅一高字可辨弟二字似安弟三

字似卻此後似尙有一行

朱提洗款

連口高七寸七分圓徑一尺五寸八分字徑二寸篆書藏子家

永建四年朱提造

永建四年朱提造

右洗色黝而綠高六寸九分內圓徑一尺三寸二分字在腹底底圓徑八寸六分侈口斜直寬一寸二分彊外腹作帶紋左右獸首銜環環已侈矣出土未詳何年胡氏宦蜀時得之丙子冬歸予處案積古齋款識兩載永建朱提洗均元年所造一有雙魚形藏慈谿鄭徵君處此洗造於四年無雙魚

篆法與阮所見同兩漢書朱提屬犍爲今敘州府
宜賓縣西南是其地也提音時食貨志註云北方
人名上曰提據說文提訓挈匙訓上是作提者匙
之古文段借也玉篇提上名集韻匙或作提段氏
玉裁云提本作匙元應曰方言作提是提者匙之
異文非手旁木旁之相亂矣

永建食堂畫象題字

二石一畫象無字高一尺八寸廣一尺五分畫一人
冕簪而坐一高一尺四寸廣六寸七分題字五行行
字不齊字徑八分至一寸
不等分書在濟甯州學

永建五年大辟在庚午二月廿

三日

立 食堂

居 意

學

何意被天灾蚕離父

母

泣 五行

道光十九年魚臺馬鐵橋星垣訪得此石於兩城王
鳳林移至魯橋藏於家廿一年四月徐樹人刺史移
置州學與孔子見老子畫象膠東令王君庠門殘碑
朱君長諸石竝列謹案朱君長本得自兩城此石更
有年月可稽彌足珍已商城楊鐸記

永建五年太歲在庚午二月廿三日

似
仰

立此食堂當□似□□□□□居□意□似□學

□□似何意被天災蚤離父母□□□□□五

干□□□右文五行可辨者三字疑不能定者五

字行款疏密不均無以知其所闕字數石經斧損而

季月日具存如有鬼神呵護弟二行有立此食堂語

證以馬鐵橋曩所得建康元季叔陽食堂刻蓋同類

也日照許瀚釋并識

第三行首二字似直萬弟四行學上似立字未敢

遽定補訪碑錄題為孝堂山畫象與楊跋所言得

自兩城者不同

陽嘉殘碑并陰

存高一尺六寸五分廣二尺十二行行
存七字至十字不等字徑一寸半分行書

少仕州郡以約儉為資

郎機自

幾才汝業

網民之天

六十一陽嘉二年卒

颺盖瞻不及佇立

風校是功成匪解

□億保此□先永永無

□月廿五日戊寅□□

□有德分損奉祿

碑陰

存三列上列七行中列十三行下列十
一行行字不一字徑寸許上列較大

□

□

故吏

育

二百

故吏焦蒙

故

又

百

故吏王姚

故

馬

媛百

故吏后翼

故

□

百

右十二人百五十

故吏

百五十

霞土車琅

故吏

故吏劉穆

故吏□

故吏劉紆

故吏劉

故吏滔子選故吏□

故吏劉生故吏劉

故吏車毓故吏魏

故吏趙訪故吏謝

殘缺不見姓氏未審何碑事蹟僅見少仕州郡治
尚儉約次行有一郎字當是官稱三行有茂才字

年六十一卒于陽嘉二年耳末云分損奉祿碑陰
列故吏出錢數姓氏全者十一人一爲處士蓋感
戴長官德政各分奉金立碑以頌之也後有廿五
日戊寅字當是建碑之日疑永和元年三月是月
甲寅朔壬支正合三年禮闕銘德表揚也惟上文
缺佚仍以卒年標系之丙子八月兒子繼德秋試
白門購此拓本郵遞五溪亟錄而識之碑新出土
惜不得其地焉